



千金方

廿三

卷之壘齋

溺血

消渴

消渴凡四類

水腫

淋閉

武 9
175
23



Handwritten mark or signature in the top left corner.



Vertical text or seal impression on the right side of the top section.

保真人備急千金要方卷之六十三

宋朝奉郎守太常少卿充秘閣校理林億等校正

消渴第一論六首方五十三首

Main body of text in vertical columns, containing medical or philosophical content.



Vertical text or seal impression at the bottom of the page.

門中武
卷五
七

篤信堂

同治

孫真人備急千金要方卷之六十三

仁三

宋朝奉郎守太常少卿充秘閣校理林億等校正

消渴第一

論六首 灸法七首 方五十三首

論曰凡積久飲酒未有不_レ成消渴然太寒凝滯而酒不凍明其酒性酷熱物無以加_レ脯炙鹽鹹此味酒客耽嗜不離其口三觴之後制不由已飲噉無度咀嚼鮮醬不擇酸鹹積年長夜酣興不解遂使三焦猛熱五臟乾燥木石猶且焦枯在人何能不渴治之愈否屬在病者若能如方節慎旬月可瘳不自愛惜死不旋踵方書醫藥寔多有效其如不慎者何其所慎有三一飲酒二房室三鹹食及麪能慎者雖不服藥而自可無他取效縱有

篤信堂

篤信堂

金舟亦不可救深思慎之又曰消渴之人愈與未愈常須思慮
 有大難何者消渴之人必於大骨節間發癰疽而卒所以戒之
 在大難也當預備癰藥以防之有人病渴利始發於春經一夏
 服栝蔞豉汁得其力渴漸瘥然小便猶數甚晝夜二十餘行常
 至三四升極瘥不減二升也轉久便止漸食肥膩日就羸瘦咽
 哽脣口焦燥吸吸少氣不得多語心煩熱兩脚酸食乃兼倍於
 常而不為氣力者當知此病皆虛熱之所致治法可長服栝蔞
 汁以除熱牛乳杏酪善於補此法最有益治消渴除腸胃熱實
 方

- 麥門冬
- 茯苓
- 黃連
- 石膏
- 姜藜

人參 龍膽 黃芩 升麻 枳實
各六分 各四分 各五分

生薑 枸杞子 栝蔞根
屑 地骨皮 各十分

右十三味為末蜜丸如梧子大以茆根粟米汁服十九日
 若渴則與此飲至足大麻亦得飲方如左

茆根切一升 粟米合三升
 右二味以水六升煮取米熟用下前藥

又方栝蔞根 生薑 生麥門冬汁 蘆根
切各二升

右五味以水一斗煮取三升分三服
 茯苓湯洩熱止渴治胃腑實熱引飲常渴方

茯神二兩外臺

栝蔞根

生麥門冬各五兩

姜蕤

知母各四兩 生地黃六兩

小麥二升

大棗二十枚 淡竹葉切三升

右九味以水三斗煮小麥竹葉取九升去滓下藥煮取四升分四服服不問早晚但渴即進非但止治胃渴通治渴患熱者

猪肚圓治消渴方

猪肚治如食法一具

黃連

梁米各五兩 栝蔞根

茯神各四兩 知母三兩

麥門冬二兩

右六味為末內猪肚中縫塞安甌中極爛蒸乘熱入藥臼中

擣可丸若硬與蜜和丸如梧子大飲服二十九日一加至五十九丸隨渴即服之

又方栝蔞根 麥門冬

鉉丹各八分 茯神一作茯苓

甘草各六分

右五味治下篩以漿水服方寸七日外臺無

又方 黃耆 茯神 栝蔞根 甘草 麥門冬各三兩

乾地黄五兩

右六味以水八升者取二升半去滓分二服日進一劑服十劑佳

浮萍圓治消渴方

乾浮萍 栝蒌根各等分

右二味為末以人乳汁和丸如梧子空腹飲服二十九日三年病者二日愈治虛熱大佳
治消渴日飲水一石者方

鈇丹兩 附子兩 葛根 栝蒌根各三兩

右四味為末蜜丸如梧子飲服十九日三渴則服之春夏減附子

黃連圓治瀉方

黃連一斤 生地黄一斤張文仲云十斤

右二味絞地黄取汁浸黃連出曝燥復內汁中令汁盡乾搗

末蜜丸梧子服二十九日三食前後無拘亦可為散以酒服方寸匕

栝蒌粉治大渴秘方

右深掘大栝蒌根厚削皮至白處止寸切水浸一日一夜易水經五日取出爛搗碎研之以絹袋濾如出粉法乾之水服方寸七日二四亦可作粉粥乳酪中食之不限多少取瘥止又方栝蒌粉和雞子曝乾更搗為末水服方寸七日三九服亦得

又方水和栝蒌散服方寸匕亦可蜜丸如梧子大服二十九又方取七家井索近桶口結燒作灰并華水服之不過三服必

瘥

又方濃者竹根汁飲之瘥止

又方清豉汁任性多少飲之

又方以青梁米煮取汁飲之以瘥止

論曰夫肉消之為病當由熱中所致小便多於所飲令人虛極短氣夫肉消者食物皆消作小便也而又不渴正觀十年梓州刺史李文博先服白石英既久忽房道強盛經月餘漸患渴經數日大利日夜百行以來百方治之漸以增劇四體羸瘁不能起止精神恍惚口舌焦乾而卒此病雖稀甚可畏也利時六脉沉細微弱服枸杞湯即效但不能長愈服鈔丹散亦即減其間

將服除熱宣丸

枸杞湯治渴而利者方

枸杞枝葉一斤黃連 栝萋根 甘草 石膏各三

右五味以咀以水一斗煮取三升分五服日三夜二劇者多

合渴即飲之

鈔丹散治消渴止小便數兼消中方

鈔丹 胡粉 甘草 澤瀉 石膏

栝萋根 白石英肘後作貝母 赤石脂各五分

右八味治下篩水服方寸七日三壯人一七半一年病者二

日愈二年病者二日愈渴甚者夜二服腹痛者減之丸服亦

佳每服十九傷多令人腹痛張文仲云腹中痛者宜漿水汁下之古今錄驗方云服此藥者經二兩日宜爛煮羊用空腹服之或作羹亦得宜常食之候小便數鹹苦即宜從蓉丸兼煮散將息從蓉丸及煮散方見外臺第十一卷中

茯神圓方集驗名宜補丸治腎消渴小便數者

茯神 黃耆 人參 麥門冬 甘草

黃連 知母 栝蒌根各三兩 莞絲子三合

茯苓 石膏 乾地黄各六兩

右十二味為末以牛膽三合和蜜丸如梧子大以茺根湯服三十九日一服漸加至五十九日

酸棗圓治口乾燥內消方

酸棗一升 酢安石五合 覆盆子乾五合 葛根各三兩

栝蒌根各三兩 茯苓各三兩 麥門冬四兩 石蜜四兩

桂心一兩 烏梅十枚

右十味為末蜜丸口含化不限晝夜以口中津液為度晝覆取含無忌

治消中日夜尿七八升者方

右用鹿角炙令焦末以酒服五分七日漸加至方寸匕

又方葵根如五升盆大兩束外臺云五大斤以水五斗煮取三斗宿不食平旦一服三升

又方漚麻汁服一升佳

論曰強中之病者莖長與盛不安精液自出也消渴之後即作癰疽皆由石熱凡如此等宜服猪腎薺危湯制腎中石熱也又宜服白鴨通湯方見下解石毒篇

猪腎薺危湯方

猪腎貝一 大豆升一 薺危三兩 人參

茯苓一本作茯 磁石綿裹 知母 石膏三兩

黃芩 甘草 栝蒌根各二兩 葛根

右十二味以水一斗五升先煮猪腎大豆取一斗去滓下藥煮取三升分三服渴及飲之下焦熱者夜輒合三劑病勢漸歇即止

增損腎瀝湯治腎氣不足消渴小便多腰痛方

羊腎貝一 遠志 人參 澤瀉 桂心

當歸 茯苓 龍骨 乾地黄 黃芩

甘草 芍藥各二兩 五味子合五兩 生薑六兩 大棗二十枚

麥門冬升一

右十六味以水一斗五升先煮羊腎取一斗二升次下諸藥

散取三升分三服

治下焦虛熱注脾胃從脾注肺好渴利方

竹葉切三升 甘草三兩 栝蒌根 生薑各五兩 麥門冬

茯苓各四兩 大棗三十枚 小麥 地骨白皮各一升

右九味以咀先以水三斗煮小麥取一斗去滓澄清取八升
去上沫取七升者藥取三升分三服
治渴利虛熱引飲不止消熱止渴方

- 竹葉切三升 地骨皮 生地黄切各一升 栝蔞根 石膏各八分
- 茯苓一作茯苓 萎蕤 知母 生薑各四分 大棗三十枚
- 生麥門冬一升半

右十一味以咀以水一斗二升煮取四升分四服
地黄圓治面黃手足黃咽中乾燥短氣脉如連珠除熱止渴利
補養方

- 生地黄汁 栝蔞根汁各二升 牛羊脂二升

白蜜四升 黃連一升
右五味合煎令可丸如梧子大飲服五九日一加至二十九
若苦冷而渴渴瘥即宜別服溫藥
治渴小便數方

- 貝母六分一本六 茯苓 栝蔞根各四分 鉉丹

雞臍脰中黃皮十四枚
右五味治下節飲服方寸匕三劑後常服尤佳長絕則去鉉
丹以蜜丸之用麥飲下
治渴利方
右用生栝蔞根三十斤切以水一石煮取一斗半去滓以牛

脂五合煎取水盡以溫酒先食服如雞子大日三
治渴小便利復非淋者方

右用榆白皮二斤切以水一斗煮取五升每服三合日二
又方小豆藿一把搗取汁頓服三升

又方取薔薇根水煎服之佳時後以治

又方三年重鵲巢燒末以飲服之時後以治

又方桃膠如彈丸大含之咽津

又方蠟如雞子大以酢一升煮一沸適寒溫頓服之

論曰凡人生放恣者眾盛壯之時不自慎惜快情縱慾極意房
中稍至年長腎氣虛竭百病滋生又年少懼不能房多服石散

真氣既盡石氣孤立惟有虛耗腎中乾焦精液自洩或小便赤
黃大便乾實或渴而且利日夜一石或渴而不利或不渴而利
所食之物皆化小便此皆由房室不節之所致也凡平人夏月
喜渴者由心王也心王便汗汗則腎中虛燥故渴而小便少也
冬月不汗故小便多而數也此為平人之證也名為消渴但小
便利而不飲水者腎實也經云腎實則消消者不渴而利是也
所以服石之人於小便利者石性歸腎腎得石則實實則能消
水漿故利利多則不得潤養五臟臟衰則生諸病張仲景云熱
結中焦則為溺血亦冷久淋閉不通明知不必悉患小便利信
矣內有熱者則喜渴除熱則止渴兼虛者須除熱補虛則瘥矣

治不渴而小便大利遂至於死者方

右用牡蠣五兩以患人尿三升煎取二升分再服神驗

治小便不禁多由便一二斗或如血色方

麥門冬

乾地黄各八分 乾薑兩

茯苓子

續斷

桂心各二兩

甘草兩

右七味以水一斗煮取二升五分古今錄驗亦治腎消脚瘦

細小便數

九房散治小便多或不禁方

菟絲子 黃連 蒲黃 各二兩 消石二兩 肉蓯蓉二兩

右五味治下節并雞臍腔中黃皮三兩同為散飲服方寸七

旦二如人行十里又更服千金翼有五味子二兩每服空腹服之

又方鹿茸三

桂心尺

附子大者一枚

澤瀉兩 薊躑兩

韭子各一升

右六味治下節以漿服五分七日加至一七

黃耆湯治消中虛勞少氣小便數方

黃耆

芍藥

生薑

桂心

當歸

甘草二兩

大棗三十枚

黃芩

乾地黄

麥門冬兩

右十味以水一斗煮取三升分三服日三

棘刺圓治男子百病小便過多失精方

棘刺肉

石龍芮

巴戟天兩

厚朴

麥門冬兩

菟絲子

草薢外臺作草鞋

姜糖

栝子仁

乾地黄 小草 細辛 杜仲 牛膝

菴蓉 石斛 桂心 防葵 烏頭各半

右十九味為末蜜和更搗五六千杵丸如梧子大飲下十九丸

日三加至三十九以知為度

治尿數而多者方

右用羊肝一具作羹內少羊肉和鹽豉如良法任性食三具

治消渴陰脈絕胃反而吐食者方

茯苓兩八 澤瀉兩四 白朮 生薑 桂心各三

甘草兩一

右六味吹咀以水一斗煮取麥三升取汁三升麥下藥煮

取一升半每服八合日再

又方取屋上瓦三十年者碎如雀腦二升東流水二石煮取二

斗內藥如左方

白朮 乾地黄 生薑各八分 橘皮 人參

甘草 黃耆 遠志 桂心 當歸

芍藥各一兩 大棗三十枚

右十二味吹咀內瓦汁中煮取三升分四服或單飲瓦

治熱病後虛熱渴四肢煩疲方

葛根斤一 人參 甘草各一兩 竹葉一把

右四味吹咀以水一斗五升煮取五升渴即飲之日三夜

骨填煎治虛勞渴無不效方

茯苓

菟絲子

當歸

山茱萸

牛膝

五味子

附子

巴戟天

石膏

麥門冬

石帶

人參

茯苓

遠志

桂心

大豆卷

升天門冬

兩五

右十六味為末次取生地黄枯萸根各十斤搗絞取汁於微

火上煎減半便作數分內藥并下白蜜三斤牛髓一斤微火

煎令如糜食如雞子黃大日二亦可飲服之

茯神散治虛熱四肢羸乏渴熱不止消渴補虛方

茯神

茯苓

萎蕤

生石斛

黃連

各八兩

枯萸根

丹參

各五兩

甘草

五味子

知母

當歸

人參

各三兩

麥蘗

三升外臺

右十二味治下篩以絹袋盛三方寸七水三升煮取一升日

二服一煮為一服

枸杞湯治虛勞口中苦渴骨節煩熱或寒者方

枸杞根白皮

切五升

麥門冬

三升

小麥

右三味以水二斗煮麥熟藥成去滓每服一升日再

巴郡太守奏三黃圓治男子五勞七傷消渴不生肌肉婦人帶

下手足寒熱者方

春三月黃芩

兩四

大黃

兩三

黃連

兩四

夏三月黃芩兩六

大黃兩一

黃連兩七

秋三月黃芩兩六

大黃兩一

黃連兩三

冬三月黃芩兩三

大黃兩五

黃連兩二

右三味隨加減和搗以蜜為丸如大豆飲服五九日巨不知稍加至七九取下而已一月病愈又服走逐奔馬常試有驗

一木云夏二月不服

治熱渴頭痛壯熱及婦人血氣上衝悶不堪者方

右用茅根切三升三搗取汁合薑湯即飲之

治嶺南山瘴風熱毒氣入腎中變寒熱脚弱虛滿而渴方

黃連不限多少 生枯薑根汁 生地黄汁 羊乳汁

右四味以三汁和黃連末為丸空腹飲服二十九如梧子大

漸加至四十九日三重病五日瘥小病三日瘥無羊乳牛乳

人乳亦得若藥苦難服即煮小麥粥飲食之主虛熱云張文仲

九下名

阿膠湯治虛熱小便利而多服石散人虛熱當風取冷患脚氣

喜發動兼消渴腎脉細弱方

阿膠二挺 麻子升一 附子枚一 乾薑兩二 遠志兩四

右五味以水七升煮取二升半去滓內膠令烊分三服

說云小便利多白日夜數十行至一石五日頓服良

灸法

論曰凡消渴病經百日以上者不得灸刺灸刺則於瘡上漏膿水不歇遂致癰疽羸瘦而死亦忌有所誤傷但作針許太瘡所飲之水皆於瘡中變成膿水而出若水出不止者必死慎之慎之初得患者可如方灸刺之

治消渴咽喉乾灸胃脘下脘三穴各百壯穴在背第八椎下橫三寸灸之又灸足太陽五十壯

治消渴口乾不可忍者灸小腸膈百壯橫三間寸灸之

消渴口乾煩悶灸足厥陰百壯又灸陽池五十壯

消渴欬逆灸手厥陰隨年壯

消渴小便數灸兩手小指頭及足兩小趾頭并灸項椎佳又灸

當春梁中央解間一處與腰目上兩處凡三處又灸背上脾膈下四寸當俠脊梁灸兩處凡諸灸皆當隨年壯又灸腎膈二處又灸腰目在腎膈下三寸亦俠脊骨兩傍各一寸半左右以指按取關元一處又兩傍各二寸二處又陰市二處在膝上當伏菟上行三寸臨膝取之或三二列灸相去一寸名曰腎系者經云伏菟下曲泉陰谷陰陵泉復留此諸穴斷小便最佳不損陽氣亦云止遺溺也太谿中封然谷太白大都跗陽行間大敦隱白涌泉凡此諸穴各一百壯腹背兩脚凡四十七處其腎膈腰目關元水道此可灸三十壯五日一報各得一百五十壯佳涌泉一處可灸十壯大敦隱白行間此處可灸三壯餘者悉七壯

皆五日一報滿三灸可止也若發炎諸陰諸陽在脚表并灸肺
腧募按流注孔穴壯數如灸陰家法
小便數而少且難用力輒失精者令其人舒兩手合掌併兩木
指令齊急逼之令兩爪甲相近以一炷灸兩爪甲本肉際方後
自然有角令炷當角中小侵入爪上此兩指共用一炷也亦灸
脚大趾與手同法各三炷而已經三日又灸之

孫真人備急千金要方卷之六十三

孫真人備急千金要方卷之六十四

仁四

宋朝奉郎守太常少卿克秘閣校理林億等校正

淋閉第二

論一首 證二條 方六十五首 灸法十五首

論曰熱結中脘則為堅下脘則為溺血令入淋閉不通此多是
虛損人服太散下脘客熱所為亦有自然下脘熱者但自少可
善候之凡氣淋之為病溺難澀常有餘瀝石淋之為病莖中痛
溺不得卒出膏淋之為病尿似膏自出勞淋之為病勞倦即痛
引氣衝下熱淋之為病熱即發甚則尿血治之皆與氣淋同
凡人候鼻頭色黃者小便難也
地膚子湯治下脘結熱小便赤黃不利數起出少莖痛或血出

温病後餘熱及霍亂後當風取熱過度飲酒房勞及行步員熱以飲逐熱結下焦及散石熱動關格小腹堅胞脹如斗諸有此淋悉治之立驗方

地膚子兩三

知母

黃芩

猪苓

瞿麥

枳實一作松實

升麻

通草

葵子

海藻

右十味以水一斗煮取三升分三服大小便皆閉者加

大黃三兩女人房勞腎中有熱小便難不利小腹滿痛脉沉

細者加猪腎一具崔氏云若如腎可用水一斗半先煮腎取汁然後內藥煎之小品方不用枳實

治百種淋寒淋熱淋勞淋小便澀胞中滿腹急痛方

通草

石常

甘草

王不留行

各三兩

冬葵子

滑石

瞿麥

白朮

芍藥各三兩

右九味以水一斗煎取三升分三服古今錄驗有當歸二兩治下節以麥

粥清服方寸七日三

又方滑石

石常

枯藁根各二兩

右三味治下節大麥飲服方寸七日三

治諸種淋方

葵根八兩

茆根

石首魚頭石各三兩

甘草兩一

通草兩二

貝子合五

天麻根兩五

右七味以水一斗二升煮取五升分五服日三夜二亦

主石淋

又方榆木

車前子

冬瓜子各一升

鯉魚齒

桃膠

通草

地脉各二兩

瞿麥四兩

右八味吹咀以水一斗煮取三升分三服日三

又方細白沙三升熬令極熱以酒三升淋取汁服一合

治淋痛方

滑石四兩

貝子七枚

茯苓

白朮

通草

芍藥各二兩

右六味治下篩酒服方寸七日二服十日瘥

又方葵子五合

茯苓

白朮

當歸各二兩

右四味吹咀以水七升煮取二升分三服日三

又方取猪脂酒服三合日三小兒服一合臘月者

治小便不利莖中疼痛小腹急痛者

通草

茯苓各三兩

葶藶二兩

右三味治下篩以水服方寸七日三

又方蒲黃

滑石各等分

右二味治下篩酒服方寸七日三

治小便不利膀胱脹水氣流腫方

水上浮萍曝乾為末服方寸七日三

治小便不通方

滑石^{三兩} 葵子^{二兩} 榆白皮^{一兩}

右三味治下筋著麻子汁一升半取一升以散二方寸七和分三服即通

又方水四升洗餽帶取汁煮葵子取二升半分三服

又方胡燕屎鼓各一合搗丸如梧子服三九日

又方髮去垢燒末葵子各升以飲服方寸七日

又方石首魚頭石為末水服方寸七日

又方石槽塞灰土并華水服之日

又方鯉魚齒燒灰末酒服方寸七日

又方車前子末方寸七日三服百日止

治卒不得小便方

吞雞子白取瘡吞黃

又方車前子把桑白皮半兩

右二味以水三升煎取一升頓服之

治婦人卒不得小便方

郁李仁二十枚熬末服之立下

又方紫苑末并華水服三指撮立通血出者四五度服之

治黃疸後小便淋瀝方

猪腎一具切茯苓一斤瞿麥六兩車前根切二

黃芩三兩椒目三合澤瀉一十六地膚子各四

右八味散咀以水二斗煮車前取一斗六升去滓下猪腎煮取一斗三升去腎下藥煮取三升分三服

治氣淋方

水三升煮船底骨如鴨子大取二升頓服

又方水三升煮豉一升下沸去滓內鹽二合頓服亦可單煮豉

汁服之

又方水一斗煮比輪錢二百文取三升溫服之

又方擣葵子末湯服方寸匕

又方空腹單茹蜀葵二滿口

又方熬鹽熟熨小腹冷復易亦治小便便血肝後方治小便不通

灸法

臍中著鹽灸一壯葛氏云治小便不通

灸關元五十壯又灸俠玉泉相去一寸半三十壯

治石淋方

右用車前子一升絹袋盛水九升煮取二升先經宿不得食

平旦空腹頓服之石即出備急方云

又方取浮石使滿一手許治下篩以水三升酢一升煮取二升

澄清服一升不過三服石出亦治數淋

又方桃膠棗許大夏以冷水三合冬以湯三合和服日三當下

石子如豆卵石盡止亦治淋

灸法

石淋臍下三十六種病不得小便灸關元三十壯

又灸氣門三十壯 又灸水泉三十壯足大敦是也

治膏淋方

右搗藿草汁二升酢二合和空腹頓服之當尿如小豆汁也

又濃煮汁飲亦治淋瀝蘇澄用之 療尿血

治五勞七傷八風十二痺勞結為血淋執結為肉淋小便不通

莖中及小腹痛不可忍者方

滑石

桂心

冬葵子

王不留行

通草

車前子各二分 甘遂一分

石常四分

右八味治下篩以麻子飲五合和服方寸匕日三服沙石出
一方加榆木白皮三分

灸法

勞淋灸足大陰百壯在內踝上三寸三報之治熱淋方

大棗二十枚 葵根切一升冬用 夏用苗

右二味以水三升煮取一升二合分二服熱加黃芩一兩出

難加滑石二兩末血加茜根三兩痛者加芍藥二兩加藥亦

加水也

又方白朮根切四片以水一斗五升煮取五升服一升日三夜

又方常煮艾葉根作飲服之
治血淋小便砂痛方

雞蘇二兩 通草 滑石各五兩 竹葉一把

生地黃斤半 小薊根兩一

右六味咬咀以水九升煎取三升去滓分三服温服

石韋散治血淋方

石韋 當歸 蒲黃 芍藥

右四味各等分治下篩酒服方寸七日三

又方以冰五升煮生大麻根十枚取三升頓服亦治小便

又方以冰四升煮大豆葉一把取三升頓服便出血

又方以冰三升煮葵子一升取汁日三服亦治虛勞尿血
灸法

血淋灸丹田隨年壯又灸伏留五十壯云隨年壯

五淋不得小便灸懸泉十四壯穴在內踝前一寸斜行小脉上

是中封之别名

五淋灸大敦三十壯

卒淋灸外踝尖七壯

淋病九部諸疾灸足太陽五十壯

淋病不得小便陰上痛灸足大衝五十壯

腹中滿小便數起灸玉泉下一寸名尿胞一名屈骨端灸二十七

壯小兒以意減之
治遺尿小便澀方

牡蠣 鹿茸各四兩 桑耳三兩錄驗無 阿膠二兩

右四味咬咀以水七升煮取二升分二服日二

又方防已 葵子 防風各二兩

右三味咬咀以水五升煮取二升半分三服散服亦佳

治小便失禁方

以水三升煮雞腸取一升分三服

治失禁出不自覺方

右用口醬汁和竈突墨茹豆大內尿孔中范注云治胞轉亦治小兒

治尿淋方

以取羊肚系盛漿令滿線縛兩頭熟煮即開取中水頓服立

瘥

又方取雞臍脰一具拜腸燒末酒服男雌女雄

又方取羊胞盛水滿中炭火燒之盡肉空腹食不過四五度瘥

又方以新炊熟飯一盞瀉尿淋處拌與食之勿令知良

灸法

遺尿失禁出不自知灸陰陵泉隨年壯

遺瀉灸遺道液主泉五寸又灸陽陵泉又灸足陽明各隨年壯

小便失禁灸大敦七壯又灸行間七壯

尿淋垂兩手兩髀上盡指頭上有陷處灸七壯又灸臍下橫文七壯

尿血第三方

治勞傷中尿血方

牡蠣

桂心

黃芩

車前子各等分

右四味治下篩以飲服方寸七稍加至二七日三服

治小便便血方

生地黃兩

栢葉一把

黃芩

阿膠各二兩

右四味以水八升煮取三升去滓下膠分三服一方加

甘草二兩

又方菟絲子

蒲黃

白芷

菟實

乾地黄

酸棗

芍藥

葵子

當歸

茯苓

右十味為末蜜丸如梧子飲服五九日三稍加至十九

又方戎鹽

甘草

蒲黃

鹿角膠

芍藥各二兩

礬石兩

大棗十枚

右七味以水九升煮取三升分三服

又方胡麻三升搗細末以東流水二升漬一宿平且絞去滓煮

一兩沸頓服

又方龍骨為細末溫水服方寸七每日五六服

張文仲云溫服

又方酒三升煮蜀當歸四兩取二升頓服

又方搗荆葉取汁酒服二合

又方煮車前根葉子多飲佳

又方酒服亂髮灰蘇澄用

又方酒服葵莖灰方寸七日葛氏云治小便不通

又方刮滑石末水和傳繞小腹及陰際佳葛氏云治小便不通

又方豉二升酒四升煮取二升頓服

水腫第四

論曰大凡水病難治瘥後特須慎於口味又復病水人多嗜食不廉所以此病難愈也代有醫者隨逐時情意在財物不本性

命病人飲食肉於貴勝之處勸令食羊頭蹄肉如此者未見有

一愈者又此病百脉之中氣水俱實治者皆欲冷瀉之便虛羊

頭蹄極補那得廖愈所以治水藥多用葶藶子等諸藥本草云

葶藶又服令人大虛故水病非又虛不得絕其根本有蠱脹但

腹滿不腫水脹脹而四肢面目俱腫大有蠱者不善診候治蠱

以水藥治水以蠱藥或但見脹滿皆以水藥如此者仲景所云

愚醫殺之今錄思如左其治蠱方具在雜方見第七十四卷中

喪孝 產乳 音樂 房室 誼戲

一切魚 一切肉 一切生冷 酢滑 蒜

粘食米豆油膩

右以前并禁不得食之及不得用心其不_レ禁者拜具本方之下其_レ房室等猶_レ三年慎之永不復發不爾者雖_レ復發不可更治也古方有十水丸歷驗多利大便而不利小便所以不能述錄也

黃帝問岐伯曰水與膚脹腸覃石瘕何以別之岐伯曰水之始起也目窠上微腫靈樞大素如新卧起之狀頸脉動時欬陰股間寒足脛腫腹乃大其水已成也以手按其腹隨手而起如裹水之狀此其候也膚脹者寒氣客於皮膚之間蟄蟄然而堅太素外臺腹大身盡腫皮厚按其腹陷太素而不起腹色不變此其候也鼓脹如何鼓脹者腹脹身腫大大與膚

脹等其色蒼黃腹筋起此其候也腸覃如何腸覃者寒氣客於腸外與胃太素氣相搏正氣不得榮因有所繫癖而蓄惡氣乃起息肉乃生始也太素雞卵稍以益大及其成也若懷子之狀又者雖歲月按之則堅推之則移月事持下此其候也石瘕如何石瘕者生於胞中寒氣客於子門子門閉塞氣不得通惡血當瀉不瀉太素以留止日以益大狀如懷子月事必時下皆生於女子可道而下之曰膚脹鼓脹可刺耶曰先瀉其腹之血絡後調其經刺去其血絡師曰病有風水有皮水有正水有石水有黃汗風水其脉自浮外證骨節疼痛其人惡風皮水其脉亦浮外證浮腫按之沒指不惡風其腹如鼓要畧栗酒不滿不渴當發

其汗正水其脉沉遲外證自喘石水其脉自沉外證腸滿作痛不喘黃汗其脉沉遲身體發熱面滿四肢頭面并腫久不愈必致癰膿心水者其人身體重腫一作而少氣不得卧煩而燥其人陰大腫肝水者其人腹大不能自轉側而脇下腹中痛時時津液微生小便續通脾水者其人腹大肆肢苦重津液不生但五少氣小便難也肺水者其人身體腫而小便難時時鴨溲腎水者其人腹大臍腫腰痛不得溺陰下濕如牛鼻上汗足為逆冷其面反瘦師曰治水者腰以下腫當利小便以上腫當發汗即愈問曰有病下利後渴飲水大便不利腹滿因腫何故師云此法當病水若小便自利及汗出者自當愈凡水病之初

先兩自腫起如老蠶色俠頸脉動股裏冷脛中滿莖之沒指腹內轉側有聲此其候也不即治之須臾身體稍腫腹中盡脹按之隨手起水為已成猶可治也此病皆從虛損所致大病或下利後婦人產後水不即消三焦決瀆小便不利仍相結漸之生聚遂流諸經絡故也水有十種不可治者有五第一脣黑傷肝第二缺盆平傷心第三臍出傷脾第四背平傷肺第五足下平滿傷腎此五傷必不可治凡水病忌腹上出水出米者一月死大忌之中軍候黑圓治臍玄水先從頭面至脚腫頭眩痛身虛熱名曰玄水體腫大小便

澀宜此方方見第五十八卷中

治小腸大小腹滿暴腫口苦燥乾方

右用巴豆三十枚和皮咬咀水五升煮取三升綿內汁中拭腫上隨手可減且五六拭莫近目及陰集驗治身暴腫如吹力

治大腸水作虛卒實上下來去方

赤小豆升五 桑白皮升切二 鯉魚升四 白木兩八
右四味咬咀以水三斗煮魚取爛勿用鹽去魚盡食并取汁四升許細細飲下

又方羊肉斤一 商陸升切一

右二味以水二斗先煮商陸令爛去滓後內羊肉及葱豉

一如臍法時後云滄溼腫

治膀胱石水四肢瘦腹腫方

桑白皮 穀白皮 澤漆葉各三升 大豆五升
防已 射干 白木各四兩

右七味咬咀以水一斗五升煮取六升去滓內好酒三升更煮取五升日二夜餘者次白更服集驗方無沢漆防已射干只四味

又方桑白皮兩六 射干 黃芩 茯苓

白木各四兩 澤瀉兩三 防已 大豆三升

澤漆升切一

右九味咬咀以水五斗煮大豆取三斗去滓澄清取一斗下

藥者取三升空腹分三服
治胃水四肢腫腹滿方

猪腎具一

茯苓兩四

防已

橘皮

玄參

黃芩

杏仁

澤瀉一作澤

桑白皮各二

猪苓

白朮各三

大豆升三

右十二味以水一斗八升煮猪腎大豆澤瀉桑白皮取

一斗澄清去滓內餘藥煮取三升分三服若欬加五味子三

兩凡服三劑間五日一劑常用有效

有人患氣急積久不瘥遂成水腫如此者眾諸皮中浮水攻面
身體從腰以上腫皆以此湯發汗悉愈方

麻黃兩三

甘草兩一

右二味以水五升煮麻黃再沸去沫內甘草取三升分

三服取汁愈慎風冷等

治面腫小便澀心腹脹滿方

茯苓

杏仁各八

橘皮

防已

葶藶各五

蘇子合三

右六味為末蜜丸如小豆服十九以桑白皮湯送下日二加

至三十九

面目手足有微腫常不能好者方

以楮葉切二升以水四升煮取三升去滓內米煮作粥食如

常食勿絕冬則預取葉乾之準法作粥周年永瘥慎生冷一切食物

治大腹水腫氣息不通命在旦夕者方

牛黃分二

椒目分三

昆布

海藻

牽牛子

桂心各八分

葶藶子分六

右七味為末別搗葶藶如膏合和丸如梧子飲服十九日二稍加小便利為度大良正觀九年漢陽王患水醫所不治余處此方日夜尿一二斗五六日即瘥瘥後有他犯因爾殂矣此即神方崔氏云益也為九蜜湯也有人患水腫腹大其堅如石四肢細小勞苦足脛腫小飲食便

氣急此終身疾服利藥不瘥者宜服此藥將以微除風濕利小便消水數歲久服之乃可得力瘥後可常服

鬼箭羽

丹參

白木

獨活各五兩

秦艽

猪苓各三兩

知母

海藻

茯苓

桂心各二兩

右十味以酒三斗浸五日服五合日三任性量方漸加

治水腫利小便酒客虛熱當風飲冷水腹腫陰脹滿方

商陸兩四

甘遂兩一

碎硝

芫花

吳茱萸兩三

右五味為末蜜丸如梧子大飲服三九日三一方有大黃羌
花各二兩吳茱萸加麝香猪苓各一兩
大豆散治火水腹肚大如鼓者方

烏豆一斗熬令香易冷大熟去皮為細末篩下飭粥皆得
服之初服一合稍加之若初服後即嫌臭服盡更作取
瘥止不得食肥膩渴則飲蔗汁慎酒肉猪雞魚生冷酢滑
房室得食穀粥牛羊兔鹿肉此劇大饑渴時食之可忍亦
勿食也此病難治雖諸太藥丸散湯膏當時暫瘥過後復
發惟此散瘥後不發終身服之終身不發矣其所禁食物
常須少噉莫隨意鹹物諸雜食等

又方葶藶末 蒼耳子灰 各二

右二味水調和服之日二

又方椒目水沉者取熬搗如膏酒服方寸七

又方水煮馬兜鈴服之

治水氣腫鼓脹小便不利方

葶藶子升 粘羊肺一具青

右二味先洗羊肺湯微漂之薄切曝乾作末以三年太酢漬
葶藶子一晷時出熬令變色熟搗如泥和肺末蜜合搗二千
杵為丸如梧子大食後一食又以麥門冬飲服四九日三以
喉中乾口粘浪語為候數日小便大利佳山連療常司業得

瘧司業姪雲表所送云數日神驗

麥門冬飲方

麥門冬_{二十枚}米_{二十粒}

右二味以水一升和煮米熟去滓以下前件丸藥逐服作用

徐王煮散治米腫利小便方

牛角鯁 防已 羌活 人參 丹參

牛膝 升麻 防風 秦艽 生薑屑

穀皮 紫苑 杏仁 附子 石斛_{各二兩}

桑白皮_{六兩}橘皮 白朮 澤瀉 茯苓

郁李仁 猪苓 黃連_{各一兩}

右二十二味治下篩為粗散以水一升五合煮三寸匕取二升頓服日再不能者但下服二三月以前可服主利多而小便澀者用之大驗

褚澄漢防已散治水腫上氣方

漢防已 澤漆葉 石膏 澤瀉_{各五兩} 桑根白皮

白朮 丹參 赤茯苓 橘皮 通草_{各三兩}

生薑耐 郁李仁_五

右十二味治下篩為粗散以水一升半煮三方寸七取六合去滓頓服日三取小便利為度

茯苓圓治水腫甄權為安康公慶者方

茯苓

白朮

椒目各四兩

木防已

葶藶

澤瀉各五分

其遂十二分

赤小豆

前胡

芫花

桂心各二分

砒硝七分

為度

右十二味為末蜜和丸如梧子蜜湯下五九日一稍加以知

治水腫利小便方

大黃

白朮一作葶藶

木防已各等分

右三味為末蜜丸如梧子飲下十九丸利小便為度不知加之

又方牽牛子末水服方寸七日一以小便利為度

又方葶藶四兩

生用桂心兩

右二味為末蜜丸如梧子大飲下七九日一以知為度

又方郁李仁末

麵各一升

右二味和作餅子七枚燒熟空腹熱食四枚不知加一枚以

至七枚

又方水銀三兩

煮三日夜

葶藶子

椒目各一升

砒硝五兩

衣魚二枚

水萍

瓜蒂

滑石各二兩

右八味搗葶藶令細下水銀更搗令不見水銀止別搗椒目

令細搗瓜蒂水萍下篩命和餘藥以蜜和更搗三萬杵成丸

初服一丸如梧子次服二丸次服三丸次服四丸次服五丸

次服六丸至七日還從一丸起次服二丸如是每至六丸還從一丸起始服藥當咽喉上有癰子腫起頰車腫滿齒斷皆腫唾碎血出勿怪也不經三五日即消所苦皆瘥以上服藥若下多停藥以止利藥至五下止病未瘥更服病瘥止此治諸體肉肥厚按之不陷甚者臂粗著衣袖不受及十腫木水醫不治者悉主之神驗深師集驗陶氏古今錄驗無衣魚水萍瓜蒂滑石

澤漆湯治水氣通身浮腫四肢無力或從消渴或從黃疸支飲內虛不足榮衛不通氣不消化貫皮膚中喘息不安腹中響脹滿眼目不得視方

澤漆根十斤鯉魚斤五

生薑斤八

赤小豆升二茯苓升三

人參

甘草

麥門冬各二兩

右八味咬咀以水一斗七升先煮魚及豆減七升去之內藥煮取四升半一服三合日三人弱服三合再服氣下喘止可至四合時小便利腫氣減或大便澀下小便若不利還增一合以大利便止若無鯉魚鮰魚亦可用若水甚不得卧臥不得轉側加澤漆一斤渴加栝蒌根二兩欬加紫苑二兩細辛一兩欬冬花一合桂心三兩增魚汁二升胡洽無小豆瀉五兩杏仁一兩古今錄驗無小豆治水在五臟令人欬逆喘上氣腹大而響兩脚腫目下有水蠶狀微渴不得安卧氣奔短氣有頃乃復小便難少而數肺病腎滿隱痛宜利小便水氣迫肺翁翁寒熱

猪苓散治虛滿通身腫利三臑通水道方

猪苓 葶藶 人參 玄參 五味子
 防風 澤瀉 桂心 狼毒 椒目
 白朮 乾薑 大戟 甘草各二兩 茯苓二兩
 女麴合二 赤小豆合二
 右十七味治下篩酒服方寸七日三夜一老小一錢匕以水
 便利為度

治水氣通身治洪腫自藥治不瘥待死者方

大麻子皆取新肥者佳 赤小豆不得二粒雜各一石
 右二味皆以新精者淨揀擇以水淘洗曝乾蒸麻子使熟夏
 曝令乾貯淨器中欲服取五升麻子煮令黃白宜緩火勿

令焦極細作末以米五升搗取汁令盡淨密器盛貯明日欲
 服今夜以小豆一升淨淘浸至旦乾漉去水以新水煮豆未
 及好熟即漉出令乾內麻子汁中煮令大爛熟為佳空腹恣
 食日三服當小心悶少時即止五日後小便數或赤而唾粘
 口乾不足怪之服訖常須微行未得即卧十日後針灸三里
 絕骨下氣不爾氣不洩盡服藥後五日逆不可下者取大鯉
 魚一頭先死者去鱗尾等以湯脫去滑淨洗開肚去藏以上
 件麻汁和小豆完煮令熟作羹入葱豉橘皮生薑紫蘇調和
 食之始終一切斷鹽渴即飲麻汁秋冬暖飲春夏冷飲常食
 不得至飽止得免饑而已慎房室瞋怒大語高聲酒麪油醋

生冷菜茹一切魚肉鹽醬五辛并治一切氣病服者皆瘥凡作一月日服之麻子熟時多收新者貯擬施人也

又方吳茱萸 萆撥 昆布 杏人 葶藶各等

右五味為末蜜丸如梧子服五丸勿令飽食食訖飽悶氣急服之即散

苦瓠圓治大水頭面徧身腫脹方

苦瓠白穰實捻如大豆以麩裹煮一沸空腹吞七枚至午當出米一升三四日水自出不止大瘦乃瘥三年內慎口味苦瓠須好無厭翳細理研淨者不爾有毒不堪用崔氏作罈飽服二十七枚若恐虛者半乳服之如此隔日作服漸加至三七枚以小便利為度小便若太多即一二日停止

治水通身腫方

煎猪椒枝葉如錫空腹服一匕日三瘥以泔洗之

又方苦瓠膜二分 葶藶子 五分

右二味合搗為丸如小豆大服五丸日三

又方葶藶 桃人 各等分

右二味皆熬合搗為丸服之利小便一方用杏人

又方煎人尿令可丸服如小豆大日三

又方大棗肉七枚苦瓠膜如棗核大搗丸一服三丸如行十五里又服三丸水出更服一丸即止

又方搗生葶藶子酢和服以小便數為度

又方燒薑石合赤內黑牛尿中令熟服一升日一
又方單服牛尿大良凡病水服無不瘥服法先從少起得下為
度

又方灸足第二趾上一寸隨年壯又灸兩手大指縫頭七壯
麻黃煎治風水通身腫欲利小便方

麻黃 茯苓 澤瀉 防風 澤漆

白木 各五兩 杏仁 大戟 清酒 各一升 黃耆

猪苓 各三兩 獨活 八兩 大豆 二升水七升煮取一升

右十三味以豆汁酒及水一斗合煮取六升分六七服
一日一夜令盡當小便極利為度

大豆散治風水通身大腫眼合不得開短氣欲絕方

大豆 杏仁 清酒 各一升 麻黃

木防已 防風 猪苓 各四兩 澤瀉

黃耆 烏頭 各三兩 生薑 七兩 半夏 六兩

茯苓 白木 各伍兩 甘遂 甘草 各二兩

右十六味以水一斗四升煮豆取一斗去豆內藥及酒
合煮取七升分七服日四夜三得小便快利為度腫消停藥
不必盡劑若不利小便者加大戟一升葶藶二兩無不快

利萬不失深師方無猪苓澤瀉
瀉烏頭半夏甘遂

治風水腫方

大豆三升 茯苓

白木各五兩 防風

橘皮

半夏

生薑各五兩 鼈甲

當歸

防已

麻黃

猪苓各三兩 大戟一兩 葵子一升

桑白皮 五升以水二斗煮取一斗去滓內煎

右十五味咬咀內煎汁中煮取五升每服八合日三服相去如人行十里^上

麻子湯治遍身流腫方

麻子五升 赤小豆三升 當陸一升 防風三兩 附子一兩

右五味咬咀先搗麻子令熟以水三斗煮麻子取一斗三升去滓內藥及豆煮取四升去滓食豆飲汁

大豆煎治男子女人新久腫得暴惡風入腹婦人新產^上圍風

入臧腹中如馬鞭者噓吸短氣欬嗽方

大豆一斗淨擇以水五斗煮取一斗五升澄清內釜中以

一斗半美酒內中更煎取九升宿勿食平旦服三升溫覆

取汗兩食頃當下去風氣腫退慎風冷十日平復除日合

服佳苦急不可待逐急合服腫不盡退加之腫差更服三

升若十分瘥勿服病中亦可任性飲之使酒氣相接^上腫

差後渴慎勿多飲

又方楮皮枝葉一大束切煮取汁隨多少釀酒但飲醉為佳不

過三四日腫少退瘥後可常服之一方用猪椒皮枝葉

又方鯉魚長一尺五寸以尿渣漬一宿平且以木篦從口貫至尾微火炙令微熟去皮宿勿食空腹頓服之不能者分再服勿與鹽

膏治表凡腫病須百方內外攻之不可一槩方

生當陸一斤 猪膏一斤煎可得二斗

右二味和煎食黃去滓以摩腫亦可服少許并塗以紙覆上燥輒傳之不過三日瘥

麝香散治婦人短氣虛羸徧身浮腫皮膚急人所稀見方

麝香三銖 雄黃六銖 芫花 甘遂各二分

右四味治下篩酒服錢五匕老小以意增減亦可為丸如小

豆大強者服七丸小品無雄黃深師以蜜丸如大豆服二丸濁大在腹表用大麝香丸華池肘後有人參二分為丸服

治虛勞浮腫方 灸太衝百壯又灸腎輸

孫真人備急千金要方卷之六十四

大正
丙辰冬十二月
大戶孟通東野

丙辰冬十二月 大戶孟通東野

